

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

RJEŠENJE
Prijava koncentracije privrednog subjekta ASA FINANCE d.d. Sarajevo i privrednog subjekta „prevent INVEST”

Oktobar 2010. godine



Broj: 01-06-26-015-7-II/10
Sarajevo, 13. oktobra 2010. godine

Na osnovu člana 25. stav (1) tačka e), člana 42. tačka d), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71000 Sarajevo, i privrednog subjekta ZIF „prevent INVEST” d.d. Sarajevo, zaprimljenoj dana 22. juna 2010. godine broj: 01-06-26-015-II/08, Konkurencijsko vijeće, na 2. (drugoj) sjednici održanoj dana 13. oktobra 2010. godine, je donijelo

R J E Š E N J E

1. Ocjenjuje se dopuštenom koncentracija na tržištu usluga univerzalnog bankarstva u Bosni i Hercegovini koja će nastati sticanjem kontrole privrednog subjekata Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71000 Sarajevo i privrednog subjekta ZIF „prevent INVEST” d.d. Sarajevo, u privrednom subjektu FIMA BANKA d.d. Sarajevo, Kolodvorska 5, 71000 Sarajevo, Bulevar Meše Selimovića 16, 71000 Sarajevo, kupovinom 51,07% vlasničkog udjela.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo Prijavu koncentracije (u daljem tekstu: Prijava), pod brojem: 01-06-26-015-II/10 dana 22. juna 2010. godine, kojom privredni subjekt Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71000 Sarajevo (u daljem tekstu Podnosilac prijave ili ASA FINANCE), zajedno s privrednim subjektom ZIF „prevent INVEST“ d.d. Sarajevo, Bulevar Meše Selimovića 16, 71000 Sarajevo (u daljem tekstu: „prevent INVEST“) namjeravaju preuzeti 51,07% vlasničkog udjela u privrednom subjektu FIMA BANKA d.d. Sarajevo, Kolodvorska 5, 71000 Sarajevo (u daljem tekstu: FIMA BANKA).

Uvidom u podnesenu Prijavu Konkurencijsko vijeće je utvrdilo da ista nije potpuna, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10), te je zatražilo dopunu iste, u skladu članu 31. Zakona (akt broj: 01-06-26-015-5-II/10 od dana 2. jula 2010. godine).

Podnosilac prijave u skladu sa zahtjevom Konkurencijskog vijeća je dopunio Prijavu traženom dokumentacijom (podnesak broj: 01-06-26-009-4-II/10 od dana 14. jula 2010. godine).

Prijemom tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona (akt broj: 01-06-26-015-5-II/10 od dana 6. oktobra 2010. godine)

Podnosilac prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan teritorija Bosne i Hercegovine.

Konkurencijsko vijeće, u skladu s članom 16. stav (4) Zakona, je izdalo Obavijest o dostavljenoj Prijavi (akt broj: 01-06-015-2-II/10 od dana 6. jula 2010. godine) u dnevnoj štampi Bosne i Hercegovine, u kojoj je objavilo podatke o namjeravanoj koncentraciji te pozvalo sve direktno zainteresovane strane na dostavljanje pisanih komentara glede provedbe iste. Na predmetnu Obavijest nisu dostavljeni komentari zainteresovanih strana.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Predmetna Prijava je podnesena pravovremeno, u skladu s članom 16. stav (1) Zakona.

1. Učesnici predmetne koncentracije

Učesnici predmetne koncentracije su privredni subjekt Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71000 Sarajevo, privredni subjekt ZIF „prevent INVEST“ d.d. Sarajevo Bulevar Meše Selimovića 16, 71000 Sarajevo, privredni subjekt FIMA BANKA d.d. Sarajevo, Kolodvorska 5, 71000 Sarajevo.

1.1. Privredni subjekt ASA FINANCE

Privredni subjekt Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71000 Sarajevo, je registrovan na Općinskom sudu u Sarajevu Rješenjem broj: 065-0-Reg-08-003726 od dana 19. decembra 2008. godine, s ukupnim upisanim osnovnim kapitalom od (...)**¹KM.

Privredni subjekt ASA FINANCE u 100,0% je vlasništvu privrednog subjekta Društvo za ekonomski, finansijski i pravni konsalting ASA HOLDING d.o.o. Sarajevo, Bulevar Meše Selimovića 16, 71000 Sarajevo (u daljem tekstu: ASA HOLDING).

Pretežite registrovane djelatnosti privrednog subjekta ASA FINANCE su pružanje konzultantskih usluga, poslovni i menadžment i tehničko ispitivanje i analize.

1.1.1. Povezana društva privrednog subjekta ASA FINANCE

Privredni subjekt ASA FINANCE posjeduje više od 10,0% vlasničkih udjela u sljedećim privrednim subjektima u Bosni i Hercegovini:

- Društvo za promet i prodaju vrijednosnih papira ASA BROKERS d.o.o. Sarajevo, Bulevar Meše Selimovića 16 (registrovano na Općinskom sudu u Sarajevu - matični broj: 65-01-0327-08) – (...)***% vlasništva;

¹ (...)** Podaci predstavljaju poslovnu tajnu, u smislu člana 38. Zakona o konkurenciji

- Društvo za obavljanje leasing poslova ASA Abanka leasing d.o.o. Sarajevo, Bulevar Meše Selimovića 16 (registrovano na Općinskom sudu u Sarajevu - matični broj subjekta: 1-26697) – (..)**% vlasništva.

Privredni subjekt ASA FINANCE i privredni subjekt „prevent INVEST” zajedno imaju ukupno 13,5482% udjela u osnovnom kapitalu privrednog subjekta Investiciono-komercijalna banka d.d. Zenica, Trb Bosne i Hercegovine 3, 72000 Zenica.

1.2. Privredni subjekt „prevent INVEST”

Privredni subjekt ZIP „prevent INVEST” d.d. Sarajevo, Bulevar Meše Selimovića 16, 71000 Sarajevo, je registrovan na Općinskom sudu u Sarajevu, Rješenjem broj: UF/I-1949/01 od dana 6. februara 2002. godine (matični broj: 1-23456).

Registrovana djelatnost privrednog subjekta „prevent INVEST” je financijsko posredovanje u poslovanju s vrijednosnim papirima (šifra djelatnosti: 65.230).

Privredni subjekt Društvo za upravljanje fondovima BLAGO d.o.o. Sarajevo, Bulevar Meše Selimovića 16, 71000 Sarajevo (u daljem tekstu: DUF BLAGO), registrovan na Općinskom sudu Sarajevo, dana 8. decembra 2000. godini pod brojem 1-22743, je osnivač privrednog subjekta „prevent INVEST” sa uplaćenim kapitalom od (..)**KM, te na osnovu zaključenog ugovora, od dana 30. juna 2003. godine, upravlja i obavlja sve operativne poslove za “prevent INVEST”.

Vlasnička struktura privrednog subjekta DUF BLAGO je:

Tablica 1.

r.b.	Naziv vlasnika dionica	Vlasnički udjel %
1.	PREVENT SARAJEVO d.o.o. Visoko	(..)**
2.	Establish d.o.o. Sarajevo	(..)**
3.	Prevent Global d.d. Slovenj Gradec	(..)**
4.	Arclif d.o.o. Ljubljana	(..)**

Izvor: Podaci iz Prijave (Komisije za vrijednosne papire Federacije BiH od dana 4. septembra 2009. godine)

Privredni subjekt Društva za dizajn, razvoj, proizvodnju i promet u automotivima PREVENT BH d.o.o. Visoko (u daljem tekstu: PREVENT BH) (MBS: 43-01-0145-09 - Općinski sud u Zenici) ima (..)**% osnivačkog kapitala u privrednom subjektu PREVENT SARAJEVO d.o.o. Visoko, Goruša bb, 71300 Visoko (u daljem tekstu: PREVENT SARAJEVO) (MBS: 423-01-0371-08 - Općinski sud u Zenici).

Član Uprave Društva za dizajn, razvoj, proizvodnju i promet u automotivima PREVENT BH g-din Kenan Nalbantić obnaša funkciju direktora privrednog subjekta PREVENT SARAJEVO.

Član Nadzornog odbora PREVENT BH g-din Nijaz Hastor, Kranjčevića 11, 71000 Sarajevo obnaša funkciju predsjednika Nadzornog odbora ASA HOLDING.

Član Nadzornog odbora PREVENT BH g-din Emir Ahmetagić obnaša funkciju predsjednika Nadzornog odbora DUF BLAGO i funkciju direktora privrednog subjekta ASA FINANCE, funkciju člana Uprave privrednog subjekta ASA HOLDING, te funkciju člana Nadzornog odbora u privrednom subjektu ASA Abanka leasing d.o.o. Sarajevo.

Na osnovu navedenih podataka, u smislu člana 2 stav (2) Zakona, gore navedeni privredni subjekti su povezana društva privrednog subjekta ASA HOLDING.

1.2.1. Ulaganja privrednog subjekta „prevent INVEST” u Bosni i Hercegovini

Pregled ulaganja privrednog subjekta „prevent INVEST”, na dan 31. decembra 2009. godine:

Tablica 2.

R.b.	Naziv	Vlasnički udjel %
1.	Uzajamni fond Ilirika moj fond Sarajevo	(..)**
2.	OIF Ilirika jugoistočna Europa Sarajevo	(..)**
3.	Hercegovina auto d.d. Mostar	(..)**
4.	UF HypoBH Equity Mostar	(..)**
5.	Samoborka komcel d.d. Donji Vakuf	(..)**
6.	DI Janj tvornica građevinske stolarije d.d. Donji Vakuf	(..)**
7.	BNT - TMT/GS - TMT d.d. Travnik	(..)**
8.	Tvornica opruga d.d. Uskoplje - Gornji Vakuf	(..)**
9.	Croatia – Remont d.d. Čapljina	(..)**
10.	Autocentar d.d. Tuzla	(..)**

Izvor: Podaci iz Prijave

1.3. Privredni subjekt FIMA BANKA

Privredni subjekt FIMA BANKA d.d. Sarajevo, Kolodvorska 5, 71000 Sarajevo je registrovana na Općinskom sudu u Sarajevu, Rješenjem o registraciji broj: 065.0-Reg-06-001769 od dana 20. septembra 2006. godine (matični broj: 1-25860). Ukupna vrijednost registrovanog dioničkog kapitala privrednog subjekta FIMA BANKA iznosi (..)**KM (nakon pokrića gubitka u 2009. godini) i podijeljen je na (..)**redovnih dionica.

Vlasnička struktura privrednog subjekta FIMA BANKA, na dan 30.aprila 2010. godine:

Tablica 3.

R.b.	Naziv vlasnika dionica	Vlasnički udjel %
1.	Validus d.d. Varaždin, Anina ulica 2, Varaždin	(..)**
2.	Pluris d.d. Varaždin, Anina, Varaždin	(..)**
3.	Muftić Edin, Gojakovac bb, Kiseljak	(..)**
4.	Prelog Nevio, Miroslava Krleže 18, Koprivica	(..)**
5.	Maslač Ivan, Stjepana Radića 72, Mostar	(..)**
6.	Samardžić Ognjen, Bana Josipa Jelačića 77, Kiseljak	(..)**
7.	Horvat Milan, Trenkova 66, Varaždin	(..)**
8.	Kumalić Ismet, Nusret Fazlibegović 16, Sarajevo	(..)**
9.	Weissbarth Ljiljana, Leopolda Ebnera 10, Varaždin	(..)**
10.	Ostali	(..)**
	UKUPNO	100,00

Izvor: Podaci iz Prijave (Registar vrijednosnih papira Federacije Bosne i Hercegovine d.d. Sarajevo)

Pretežite registrovane djelatnosti privrednog subjekta FIMA BANKA su pružanje univerzalnih bankarskih usluga, platni promet, kreditiranje, depozitni i dugih bankarski poslova itd.

Privredni subjekt FIMA BANKA poslovne aktivnosti obavlja preko centrale u Sarajevu, te preko filijala - podružnica, agencija i isturenih šaltera: Sarajevo - Centar, Novo Sarajevo, Hrasno, Hrasnica, Cazin, Velika Kladuša, Zenica, Kreševo, Mostar, Široki Brijeg, Ljubuški, Banja Luka, Tuzla i Orašje.

Privredni subjekt FIMA BANKA je započela s radom (na osnovu dozvole Agencije za bankarstvo Federacije BiH, broj: 04-3-572-1/06 dana 17. jula 2006. godine) pod nazivom privredni subjekt VALIDUS BANKA d.d. SARAJEVO, a Rješenjem Općinskog suda Sarajevo broj: 065-0-Reg-06-003081 od dana 19. januara 2007. godine je izvršena promjena naziva u privredni subjekt VABA BANKA d.d. SARAJEVO, dok je Rješenjem Općinskog suda Sarajevo broj: 065-0-Reg-07-002380 od dana 24. septembra 2007. godine izvršena promjena naziva u privredni subjekt FIMA BANKA d.d. Sarajevo.

2. Privredni subjekt ASA HOLDING

Privredni subjekt Društvo za ekonomski, finansijski i pravni konsalting ASA HOLDING d.o.o. Sarajevo, Bulevar Meše Selimovića 16, 71000 Sarajevo, je registrovan 1996. godine u Općinskom sudu u Sarajevu (matični broj: 65-01-002-09), u vlasništvu fizičkog lica Hastor Damira, Kranjčevića 11, 71000 Sarajevo (vlasnički udjel (..)**) i fizičkog lica Hastor Kenana, Kranjčevića 11, 71000 Sarajevo (vlasnički udjel (..)**) i fizičkog lica Hastor Nijaza (vlasnički udjel (..)**), Kranjčevića 11, 71000 Sarajevo, s upisanim osnovnim kapitalom od (..)KM.

Pretežite registrovane djelatnosti privrednog subjekta ASA HOLDING (ASA Group) su pružanje ekonomskih, pravnih, finansijskih (osiguranja i leasing), špediterskih i usluga iznajmljivanja vozila, te prodaja vozila rezervnih dijelova, prateće opreme, posebnih alata iz programa Volkswagen, Audi, SEAT, Škoda, Porsche, itd.

Privredni subjekt ASA HOLDING (ASA Group) ima udjele u sljedećim privrednim subjektima u Bosni i Hercegovini, na dan 31. decembra 2009. godine:

Tablica 4.

R.b.	Gospodarski subjekt	Djelatnost	% vlasništva
1.	ASA FINANCE d.d. Sarajevo	usluge	(..)**)
2.	ASA Rent d.o.o. Sarajevo	usluge	(..)**)
3.	ASA Mobil d.o.o. Banja Luka	usluge	(..)**)
4.	Establish d.o.o. Sarajevo	usluge	(..)**)
5.	ASA Brokers d.o.o. Sarajevo	usluge	(..)**)
6.	ASA Auto d.o.o. Sarajevo	trgovina	(..)**)
7.	ASA PVA d.o.o. Sarajevo	trgovina	(..)**)
8.	ASA PSS d.o.o. Sarajevo	trgovina	(..)**)
9.	ASA Osiguranje d.o.o. Sarajevo	usluge	(..)**)
10.	Škoda centar d.o.o. Sarajevo	trgovina	(..)**)
11.	ASA Assistance d.o.o. Sarajevo	usluge	(..)**)
12.	ASA PSC d.o.o. Sarajevo	usluge	(..)**)
13.	Euromedija d.o.o. Sarajevo	usluge	(..)**)
14.	ASA Leasing d.o.o. Sarajevo	usluge	(..)**)
15.	ASA Šped d.o.o. Sarajevo	usluge	(..)**)

Izvor: Podaci iz Prijave

3. Obaveza prijave predmetne koncentracije

Obaveza prijave koncentracije privrednih subjekata, u smislu odredbe člana 14. stav (1) pod b) Zakona, postoji ako ukupni godišnji prihodi svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veće od 40,0%.

Ukupni godišnji prihodi privrednih subjekata učesnika predmetne koncentracije (i s njima povezani privredni subjekti), na dan 31. decembra 2009. godine, iznose:

Tablica 5.

R.b.	Gospodarski subjekt	Svijet	Bosna i Hercegovina
1.	ASA FINANCE	-	(..)**KM
2.	„prevent INVEST”	-	(..)**KM
3.	ASA HOLDING d.o.o.	-	(..)**KM
4.	FIMA BANKA	-	(..)** KM

Izvor: Podaci iz Prijave

Pri izračunu ukupnih godišnjih prihoda privrednih subjekata učesnika koncentracije u obzir su uzeti i prihodi privrednog subjekta ASA HOLDING, te na osnovu navedenoga njihovi godišnji prihodi iznosi ukupno (..)**KM.

Prema podacima iz Prijave ASA HOLDING /ASA Group ostvarila je ukupan prihod u 2009. godini preko 610 miliona KM, dok je izvoz na svjetsko tržište iznosio preko 278 miliona KM.

Konkurencijsko vijeće, u skladu s članom 43. stav (7) Zakona, pri izračunu ukupnog godišnjeg prihoda učesnika koncentracije je koristilo kriterije i standarde Obavijesti Europske komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekata.

Budući da su ispunili uslove ukupnog godišnjeg prihoda, u smislu člana 14. stav (1) tačka b) Zakona, odnosno da su najmanje dva privredna subjekata učesnika koncentracije u Bosni i Hercegovine imala ukupan godišnji prihod najmanje 8.000.000,00 KM (u godini koja je prethodila predmetnoj koncentraciji), privredni subjekti učesnici koncentracije su obavezni podnijeti Prijavu.

Godišnji prihodi učesnika koncentracije (Tablica 5.) predstavljaju ukupne prihode (bez poreza na dodanu vrijednost i drugih poreza koji direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekata.

4. Pravni okvir ocjene predmetne koncentracije

Konkurencijsko vijeće u provedbi postupka ocjene dopuštenosti predmetne koncentracije je primjenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće je, na osnovu člana 43. stav (7) Zakona, koristilo sudsku praksu Europskog suda i odluke Europske komisije, kao i kriterije i standarde iz Obavijesti Europske Komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekata.

5. Pravni osnov i oblik predmetne koncentracije

U skladu sa poslovnim planovima i strateškim usmjerenjima Skupština dioničara privrednog subjekta FIMA BANKA, dana 11. maja 2010. godine, donijela je Odluku o povećanju dioničkog kapitala sedmom emisijom dionica putem zatvorene prodaje za poznatog kupca – privredni subjekt ASA FINANCE i privredni subjekt „prevent INVEST” (u daljem tekstu: Odluka) u

iznosu od (..) ** KM (izdavanjem (..) ** redovnih dionica, nominalne i prodajne vrijednosti od (..) ** KM, što predstavlja 51,07% postojećeg kapitala) sa rokom upisa uplata od dana 1. jula do dana 8. jula 2010. godine.

Agenciji za bankarstvo Federacije BiH Rješenjem, broj: 04-3-1590/10 od dana 7. maja 2010. godine, je odobrila privrednom subjektu FIMA BANKA predmetnu emisiju dionica.

Konkurencijsko vijeće je prihvatilo Odluku kao pravni osnov predmetne koncentracije, u smislu člana 16. stav (1) Zakona, a u vezi s članom 30. stav (1) tačka a) Zakona i članom 9. tačka f) alineja 2. Odluke o načinu podnošenja prijave i kriterija za ocjenu koncentracija privrednih subjekta.

Učesnici koncentracije privredni subjekt ASA FINANCE i privredni subjekt „prevent INVEST” prije predmetne koncentracije nisu posjedovali dionice u privrednom subjektu FIMA BANKA, dok će nakon provedene koncentracije (dokapitalizacije) imati sljedeće udjele /vrijednosti:

Tablica 6.

R.b.	Kupci dionica (učesnici koncentracije)	Dionice		Iznos /KM
		Broj	Udjel %	
1.	ASA FINANCE	(..) **	(..) **	(..) **
2.	„prevent INVEST”	(..) **	(..) **	(..) **
	UKUPNO	(..) **	(..) **	(..) **

Izvor: Podaci iz Prijave

U smislu člana 12. stav (1) tačka b) Zakona pravni oblik predmetne koncentracije je sticanje kontrole od strane više povezanih privrednih subjekta (ASA FINANCE i „prevent INVEST” u drugom gospodarskom subjektu (FIMA BANKA) povećanjem vlasničkog udjela putem dokapitalizacije (kupovinom dodate sedme emisije dionica).

6. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu osobito njihove bitne karakteristike, kvalitetu, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište proizvoda i/ili usluga u konkretnom slučaju je tržište univerzalnog bankarstva (podrazumijeva pružanje različitih usluga u segmentu maloprodajnog i korporacijskog bankarstva) budući da privredni subjekt FIMA BANKA djeluje na ovom relevantnom tržištu i da Podnosilac prijave i s njim povezana društva ne djeluju istom tržištu, te ne postoji preklapanja djelatnosti učesnika koncentracije.

Budući da privredni subjekt FIMA BANKA djeluju na cijelom teritoriju Bosne i Hercegovine, relevantno tržište u geografskom smislu smatrat će se cijeli teritorij Bosne i Hercegovine.

Slijedom navedenoga, pod relevantnim tržištem predmetne koncentraciji smatra se pružanje usluga na tržištu univerzalnog bankarstva na cijelom teritoriju Bosne i Hercegovine.

7. Analiza relevantnog tržišta predmetne koncentracije

Na relevantnom tržištu univerzalnih bankarskih usluga u Bosni i Hercegovini djeluje oko trideset banaka sa ukupnom aktivom u iznosi 20.613.734.000,00 KM, a najveću aktivu, odnosno udio na aktivu imaju tri banke (UniCredit Bank - Mostar, Hypo Alpe-Adria-Bank - Mostar /Banja Luka, Raiffeisen banka - Sarajevo) koji zajedno prelazi preko 55,0%.

Ukupna aktiva privrednog subjekta FIMA BANKA, na dan 31. decembra 2009. godine, iznosi 126.261.000,00 KM, što predstavlja udio od 0,61% u odnosu na aktivu svih banaka u Bosni i Hercegovini.

8. Ocjena predmetne koncentracije

Konkurencijsko vijeće analizom relevantnih podataka, u smislu člana 17. Zakona, ocjenilo je da provođenjem namjeravane koncentracije neće doći do povećanja tržišnog udjela (prema analizi podataka o ukupne aktive) budući da učesnici koncentracije privredni subjekt ASA FINANCE i privredni subjekt „prevent INVEST” odnosno privredni subjekt ASA HOLDING (i druga povezana društva) ne djeluju na relevantnom tržištu univerzalnog bankarstva.

Konkurencijsko vijeće prilikom donošenja konačne odluke je uzelo u obzir i planove Podnosilaca prijave (nakon provedena predmetne koncentracije), koji se odnose na:

- razvoj poslovne mreže po glavnim ekonomskim centrima u Bosni i Hercegovini;
- razvoj novih odjela u organizacionoj strukturi (npr. investicijsko bankarstvo);
- razvoj bankarskog IT sistema, odnosno novih usluga – internet bankarstvo, mobilno bankarstvo, automatiziranje core servisa i sl;
- razvoj kartičnih proizvoda, kao i razvoj mreže bankomata i co-brand kartičarskih proizvoda.

Također, u obzir su uzete i pogodnosti koje će nastati za postojeće i buduće klijente, i to širenjem poslovne mreže, kao i smanjenjem cijena banakarskih usluga kroz veću standardizaciju proizvoda /usluga.

Slijedom navedenoga Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

9. Administrativna taksa

Podnosilac prijave na ovo Rješenje, u skladu s članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

10. Pouka o pravnom lijeku

Protiv ovoga Rješenja nije dozvoljen žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

dr. Stjepo Pranjić